



**Vijeće za konkurentnost**

Broj: 02-02-895-1/14-III  
Jablanica, 06.05.2014.godine

**ZAPISNIK**

sa III (3) sjednice Vijeća za konkurentnost održane 06.05.2014.g. (utorak) sa početkom u 14,00 sati

Prisutni: predstavnici GIZ-a Selma Karavdić Gaal i Zrinjski Pelajić, Općinski načelnik Salem Dedić, sekretar organa uprave Općine Jablanica Dženan Mulahasanović, Ajdin Teletović, Amil Babić, Eldin Memić umjesto Jusufa Džafića, Jasmina Hindić, direktor Podružnice HE n/N Nijaz Begić i predstavnik REDAH-a Mirzo Čolaković.

Odsutni: predsjedavajući OV-a Damir Šabanović, Edin Budim preduzeće "Labrador" d.o.o., Senad Kovačević restoran "Kovačević", Muhamed Idrizović Savez poljoprivrednih udruženja, Amel Mandžuka preduzeće "Granitmont" d.d. Jablanica i predstavnik JP "EPHZHB"-Radna jedinica Jablanica.

Predsjednik VZK-a Ragib Mehmedagić pozdravio prisutne i predložio slijedeći

**DNEVNI RED**

1. Izvod iz zapisnika sa II sjednice VZK-a
2. Pozdravna riječ načelnika Općine, Ministarstva privrede HNK i predstavnice GIZ-a
3. Identifikacija mogućih inicijativa za povećanje lokalne konkurentnosti, prezentacija mapiranja inicijativa i prioritetiziranje predloženih inicijativa
4. Zaključak rasprave i dogovor o slijedećim koracima
5. Usvajanje regulative za javno-privatni dijalog

Zamjenik predsjednika Dženan Mulahasanović predložio dopunu dnevnog reda sa tačkom 5. Usvajanje regulative za javno-privatni dijalog. Na XVIII (18) sjednici Općinskog vijeća Politika vođenja javno-privatnog dijaloga iz prijedloga vraćena u nacrt obzirom da je vijećnik Idriz Čilić dostavio amandmane, kako na dokument Politika vođenja javno-privatnog dijaloga, tako i na Pravilnik o uspostavljanju i vođenju javno-privatnog dijaloga u općini Jablanica. Amandmani su više tehničke prirode, te bi iste trebalo razmotriti i usvojiti u cilju poboljšanja samih dokumenata. Pravilnik je povučen sa sjednice Općinskog vijeća obzirom da ga donosi Općinski načelnik, a ne Općinsko vijeće.

Općinski načelnik Salem Dedić istakao kako su i preporuke GIZ-a išle u pravcu da Općinski načelnik donosi Pravilnik o uspostavljanju i vođenju javno-privatnog dijaloga u općini Jablanica. Obzirom da su amandmani više tehničke prirode, te da doprinose kvalitetnijem sadržaju dokumenata, predlaže da isti budu razmotreni i u konačnici prihvaćeni.

Amil Babić saglasan sa dopunom dnevnog reda i predlaže da se ide u pravcu zatvaranje dijela usvajanja dokumenata.

Jednoglasno usvojen predloženi dnevni red.

**Ad.1. Izvod iz zapisnika sa II sjednice VZK-a**

Općinski načelnik Salem Dedić istakao kako rad VZK-a treba bazirati na konkretnim prijedlozima. Izvod iz zapisnika je korektan.

Jednoglasno usvojen Izvod iz zapisnika sa II sjednice VZK-a.

#### **Ad.2. Pozdravna riječ načelnika Općine, Ministarstva privrede HNK i predstavnice GIZ-a**

Općinski načelnik Salem Dedić pozdravio prisutne i zaželio uspješan rad sjednice. Predstavnicu Ministarstva privrede HNK nisu prisutni na sjednici VZK-a što je veliko razočarenje.

Predstavnicu GIZ-a Selma Karavdić Gaal upoznala prisutne o čemu će se raspravljati na današnjem sastanku, odnosno da će se prezentovati inicijative koje su proistekle iz izvještaja GIZ-a.

#### **Ad.3. Identifikacija mogućih inicijativa za povećanje lokalne konkurentnosti, prezentacija mapiranja inicijativa i prioritetiziranje predloženih inicijativa**

Predstavnik GIZ-a Zrinjski Pelajić iznio metodologiju mapiranja inicijativa VZK-a. Najveći dio aktivnosti VZK-a obavlja se između sastanaka VZK-a, a ne na samim sastancima. Svi članovi VZK-a imaju pravo predlagati inicijative. Neophodno je da inicijativa ima određenih format, odnosno, da ima glavu i rep (ko je predložio inicijativu, zbog čega, kako će se inicijativom poboljšati konkurentnost, indikatori uspješnosti itd.).

Predstavnicu GIZ-a Selma Pelajić Gaal prisutnima prezentovala inicijative koje su proistekle iz izvještaja GIZ-a. Mora se sagledati način kako grupirati inicijative. Jedan od načina je da se formiraju sektorske radne grupe. Do slijedećeg sastanka tehnički sekretarijat u saradnji sa GIZ-om treba organizirati proces predlaganja inicijativa. Kada se dođe do određene liste inicijativa, praviti prioritete i sa istima ići prema Općinskom vijeću.

Jasmina Hindić istakla kako je jedna od inicijativa i formiranje turističke zajednice u Jablanici. Olako se puštaju određene stvari i ne borimo se dovoljno.

Općinski načelnik Salem Dedić istakao kako se inicijative trebaju dobivati od strane privatnog sektora. Inicijative se crpe iz izvještaja GIZ-a, što nije dobro. Načelnik predložio da se formiraju sektorske grupe koje će predložiti inicijative iz svakog sektora (građevinarstvo, kamenjarstvo, turizam, poljoprivrede, javna uprava itd.).

Do 26.06.2014.godine VZK treba predložiti i razmotriti inicijative, te odabrati prioritete.

Vodila se diskusija o načinu prikupljanja inicijativa. U diskusiji učestvovali Općinski načelnik Salem Dedić, predsjednik VZK-a Ragib Mehmedagić i Amil Babić.

#### **Ad.4. Zaključak rasprave i dogovor o slijedećim koracima**

Donesen slijedeći **Zaključak:** prikupljanje inicijativa radit će se metodom ankete i intervju sa privrednicima na području općine Jablanica.


Anketne listiće priprema GIZ-a u saradnji sa tehničkim sekretarijatom, koji će biti prilagođeni privrednim subjektima na području općine Jablanica i na kojima će se nalaziti potpisi predsjednika i zamjenika VZK-a.


#### **Ad.5. Usvajanje regulative za javno-privatni dijalog**

Zamjenik predsjednika VZK-a Dženan Mulahasanović dao obrazloženje vezano za amandmane koje je na dokument Politika vođenja javno-privatnog dijaloga i na Pravilnik o uspostavljanju i vođenju javno-privatnog dijaloga u općini Jablanica dostavio vijećnik Općinskog vijeća.

Jednoglasno usvojene izmjene i dopune Politike vođenja javno-privatnog dijaloga i na Pravilnika o uspostavljanju i vođenju javno-privatnog dijaloga u općini Jablanica.

Predsjednika VZK-a Ragib Mehmedagić zaključio rad III (3) sjednice u 15,50 sati.

Zapisničar  
  
Azra Vila

Predsjednika VZK-a  
  
Ragib Mehmedagić